

ԴԱՍԱՎԱՆԴՄԱՆ ՈՐԱԿԻ ԵՎ ԱՐԴՅՈՒՆԱՎԵՏՈՒԹՅԱՆ ՎԵՐԱԲԵՐՅԱԼ 2023-2024 ՈՒՍԱՐՎԱ ՈՒՍԱՆՈՂԱԿԱՆ ՀԱՐՑՈՒՄՆԵՐԻ ԱՐԴՅՈՒՆՔՆԵՐԻ ՄԱՍԻՆ

ԵՊՀ Իջևանի մասնաճյուղում դասավանդման որակի և արդյունավետության վերաբերյալ ուսանողական հարցումները Ուսումնամեթոդական վարչությունը ֆակուլտետների հետ համատեղ կազմակերպել է համաձայն **«Երևանի պետական համալսարանում դասավանդման որակի և արդյունավետության վերաբերյալ ուսանողների հարցման կարգ»**-ի, հարցաշարի և ժամանակացույցի (առաջին կիսամյակի հարցումներն իրականացվել են փետրվարի 10-ից մինչև մարտի 07-ը՝ առկա ուսուցմամբ սովորողների և մարտի 22-ից մինչև ապրիլի 30-ը՝ հեռակա ուսուցմամբ սովորողների համար, իսկ երկրորդ կիսամյակի հարցումները՝ հուլիսի 1-ից մինչև սեպտեմբերի 7-ը՝ առկա և հեռակա ուսուցմամբ սովորողների համար): Թե՛ առկա, թե՛ հեռակա ուսուցման համակարգերում հարցումներն իրականացվել են առցանց եղանակով, համալսարանական էլեկտրոնային հասցեների միջոցով:

Հարցման արդյունքների օբյեկտիվ պատկեր ստանալու համար կարևոր է ուսանողների մասնակցությունը: 2023-2024 ուստարվա հարցումներին մասնակցել են մասնաճյուղի՝ առկա ուսուցման **1136** ուսանողից **483-ը** (ուսանողական հիմնական համակազմի 42.52 %-ը), հեռակա ուսուցման **894** ուսանողից **178-ը** (ուսանողական հիմնական համակազմի 19.91 %-ը):



Դասավանդման որակի և արդյունավետության վերաբերյալ 2023-2024 ուստարվա ուսանողական հարցումների վերլուծությունը մեր կողմից կատարվել է 3 տարիների համեմատությամբ:

Հարցաշարի առաջին երկու հարցերը, որոնք վերաբերում են կոռուպցիոն երևույթներին, մասնաճյուղում տոկոս չեն կազմում:


Հարցաշարի երրորդ հարցը վերաբերում է կրթական ծրագրի ղեկավարների աշխատանքին: Առկա և հեռակա ուսուցման համակարգում հարցին պատասխանել է 173 ուսանող, որից 159-ը (92%) արդյունավետ է համարել կրթական ծրագրերի ղեկավարների աշխատանքը:

Հարցաշարի ֆակուլտետների, դեկանատների և մասնագիտական ամբիոնների կրթության կազմակերպման գնահատումն ունի հետևյալ պատկերը:


Դեկանատի աշխատակիցների վերաբերյալ գրանցված ցուցանիշով ամենաբարձրը առկա ուսուցման համակարգում ունի Տնտեսագիտության ֆակուլտետը, իսկ ամենացածրը՝ Հումանիտար գիտությունների ֆակուլտետը: Հեռակա ուսուցման համակարգում ամենաբարձր ցուցանիշն ունի Տնտեսագիտության ֆակուլտետը, իսկ ամենացածրը՝ Բնական գիտությունների ֆակուլտետը:



Ըստ ամբիոնների՝ առկա ուսուցման համակարգում ամենաբարձր ցուցանիշն ունեն Ընդհանուր մաթեմատիկայի և բնագիտության, Տուրիզմի կառավարման և մշակութաբանության ամբիոնները, իսկ ամենացածրը՝ Ընդհանուր տնտեսագիտության ամբիոնը: Հեռակա ուսուցման համակարգում ամենաբարձր ցուցանիշն ունի Արտակարգ իրավիճակների, մարմնակրթության և սպորտի ամբիոնը, իսկ ամենացածրը՝ Ծրագրավորման և ինֆորմացիոն տեխնոլոգիաների ամբիոնը:



Ֆակուլտետների ամփոփմամբ առկա ուսուցման համակարգում ամենաբարձր ցուցանիշն ունի Կիրառական արվեստի ֆակուլտետը, իսկ ամենացածրը՝ Հումանիտար գիտությունների ֆակուլտետը: Հեռակա ուսուցման համակարգում ամենաբարձր ցուցանիշն ունի Կիրառական արվեստի ֆակուլտետը (մեկ դասախոսի գնահատման արդյունքով), իսկ ամենացածրը՝ Բնական գիտությունների ֆակուլտետը:



Հարցաշարի հաջորդ գնահատումը, որը վերաբերում է դասախոսի գնահատմանը, արդյունքներն ուղարկվել են ֆակուլտետներ և մասնագիտական ամբիոններ՝ նիստերում քննարկելու համար:

Դասավանդման որակի և արդյունավետության վերաբերյալ հարցումն ընդգրկում է նաև ուսանողների կողմից կարծիք- առաջարկություններ.

- դասախոսական աշխատանքի ընդունել ավելի բանիմաց երիտասարդ դասախոսների,
- միևնույն դասընթացի անընդմեջ դասախոսությունը ծանր է և հոգնեցնող,
- «Անգլերեն և գրականություն» կրթական ծրագրի մասնագիտական դասընթացները նպատակահարմար չէ իրականացնել միայն ուրբաթ և շաբաթ օրերին,
- ավելացնել գործնական և սեմինար դասաժամերը,
- ունենալ լավ համակարգիչներ և լսարաններն ապահովել ժամանակակից սարքավորումներով (պրոյեկտորներ),
- դասախոսություններն անցկացնել սահիկաշարի միջոցով,
- Կիրառական արվեստի ֆակուլտետի ուսումնական պրակտիկաների համար տրամադրել անհրաժեշտ նյութեր,
- ավելացնել մասնագիտական գրականությունը,
- ունենալ օբյեկտիվ գնահատում,
- «Հայոց լեզու և գրականություն» կրթական ծրագրով տալ մանկավարժի որակավորում: